

# MAMAKƏR AŇA WAKITÀ UWANA YUHANA ATSETSÈR Troisième Lettre de Jean

## *Ayyi*

<sup>1</sup> Gi masiga, gətseser à kak Gayyus. Kak slawda gulo, uwana gəwoya kak kaykay.

<sup>2</sup> Slawda gay ləv gulo, asa à gi kà dèwdèw tatak ada à vok lela la slaka aŇak. Ņgaha kà kak aŇa magay wurwur, Ņgaha madiŇal gəl à vok aŇak maŇazila koksikoksi. <sup>3</sup> Mok uwana azladede tasà à waŇ à slaka gulo kà, tapèh à gi dziriga aŇak gesina, bokuba magoɗay, kà kanəfàh dziriga la lela kà madegolay uwaga à uwana, ləv gulo arəb kaykay. <sup>4</sup> Mok uwana gətsənəŋ kà azlabəza gulo kà taday la dziriga la abà kà, ləv gulo arəb. Tatak anik la ahəŋ azigən marabay gulo kiya uwaga aw.

## *Gayyus kà dziriga*

<sup>5</sup> Slawda gulo, gəwoya ka kà kaykay, kaɗah sləray lela gesina kà aŇa azladede gami, amiyaka kà aŇa azlaməlok gə bay. <sup>6</sup> La dazuwaya, azladza uwaga tapèh la huma à azlaməna madiŇal gəl à vok à mawoy atə aŇak. Lagonay: Kamkam zlakà atə kà mad à huma à gay, kà tsəhay mauguzahay aŇatə, uwaga aŇa magay makəs vok gə à Zəzagəla. <sup>7</sup> Azladza uwaga taday zlà, asa à atə mapəhla Sufəl Yesu Kristu ala. Ama

asà à atà mazlak atà aña azladza uwana tasèl Zèzagèla aw aw. <sup>8</sup> Uwaga kà slèray gami, anu azlamèna gay Zèzagèla, say məkəs mazlak à tsəhay azladza uwaga gesina, kà madfàh slèray la slaka gà, kà maz gay dziriga la slaka gà.

### *Diyotəref atà la Demetəriyus*

<sup>9</sup> Gətsetser bəzi wakità à azlamèna madiṅal gəl à vok, ama Diyotəref atsəb sləm à mapəhay gulo aw, asal magay sufəl lakəl aña azlamèna madiṅal gəl à vok uwaga. <sup>10</sup> Gay gà la uwaga, gədàpəhay la paraka azlatatak mawisiga gesina uwana adfahəṅ à azladedə gami à vok, à mok uwana gədəgay la tataka aṅkul la abà. Masla apèh à anu azlagay maksafər à vok, azlafida gesina uwana apəhay lakəl gami. Ama bà uwaga pəra aw. Kaykay aya kà, akəs azladedə gami uwana tadà à awtày aw, ṅgaha adfəf gay à azladza à ahəṅ, kà makas atà aya, la tataka azlamèna gay Zèzagèla la abà, ṅgaha akàs atà à uda la gày Zèzagèla la abà.

<sup>11</sup> Slawda gulo, gəwoya ka kaykay, kamkam, kanəfa tetəvi uwaga aw, ama dfahəṅ kà uwana delga, akəsa vok pəra. Dza uwana adfah uwana delga kà, masla kà dza aña Zèzagèla. Ama dza uwana adfah azlatatak mawisiga kà, adanəṅ Zèzagèla dikiḍiki aw.

<sup>12</sup> Azladedə gesina tapəhay lakəl aña slèray delga aña Demetərius, ṅgaha uwana tapəhay kà dziriga. Anu babay kà, məpəhay kà lakəl aña azlatatak delga babay. Kak, Gayyus, kasəl uwana məpəhay kà uwaga dziriga gesina pəra.

*Ayyi makəɗ gəl à ahəŋ*

<sup>13</sup> Gay aga la gi lakəl aŋuvaw, kà aŋa mapəh à ka, ama asa à gi aŋa matsetser à ka matsetseray aw. <sup>14</sup> Nekwa gədà à awtày kà mabadma la slaka gə lakəl aŋha, kà anu aŋa mapəh vok à adi la yewdi la yewdi. <sup>15</sup> Zəzagəla avà à ka lapiya. Azlaslawda aŋak uwana la abanay kà: ‘Ayyi’, tagoɗ à ka babay. ‘Ayyi’, gòɗ à azlaslawda la tekula tekula gesina.

**Wakità Zəzagəla Wakitə Anja Makəs Vok  
Slawda Mawga (Cameroun)  
Matal: Wakitə Zəzagəla Wakitə Anja Makəs Vok  
Slawda Mawga (Cameroun) (New Testament)**

copyright © 2019 Wycliffe Bible Translators, Inc.

Language: (Matal)

Contributor: Wycliffe Bible Translators, Inc.

All rights reserved.

2020-11-18

---

PDF generated using Haiola and XeLaTeX on 21 Feb 2024 from source  
files dated 29 Jan 2022

03efbf2f-98ca-5534-8610-0be3a8c4b974